

EGUBERRI KANTAK.

DONOSTIYAKO SANTA MARIYAKO PREMILEIZAN KANTATUBAK 1815,^{garren} URTEAN.

SARRERA.

1.
Egurra ebakitzen
Nekatu ta ondoan
Aritz baten oñean
Erdi lo nengoan.
Amets egin dedala
Dadukat gogoan
Guztizko berri onak
Diralda beingoan.

2.
Ekusi det zeruba,
Gero begiyetan
Argitasun aundi bat
Alde goztiyetan;
Norbaitek belarrira
Esandit onetan
Jauna jayokodala
Gaur amabiyetan.

ZORTZIKOA.

1.
Gau eder erogarri
Zoriyonekoa
Lurrera etorri zana
Gure Jaungoikoa,
Asmegitari onak
Agindutakoa,
Egunik argiyena
Ez bezelakoa.

2.
Ukullu zar batean
Belen-eko erriyan
Gure Jesus jayo da
Gabaren erdiyan:
Jakindurik agudo
Artzayak mendiyen
Jachi dira lasterka
Denbora guchiyan.

3.
Izar argi eder bat
Lagun arturikan
Iru errege datoz
Oriyentetikan.
Galdezka igaro dira
Jerusalendikan
Jesusaren jayotzaz
Duten berririkari.

4.
Ekusi ta ezagutu
Dutenean Jauna
Lasterka jarri dute
Lurrean belauna;
Biyotzak alchaturik
Jesusaren gana
Irurak egin dute
Eskariyo bana.

5.
Aingeru zerukoak
Lurrera etorriyak
Jesusen ingurutan
An daude guztiyak;
An daude erregeak,
An daude artzayak
Aur eder arri eman
Nairikan begiyak.

6.
Jesus eta Mariya
Ona Joserekin,
Ona emen aingerubak
Soñu ederrakin:
Ona zeru guztiya
Jaungoikoarekin,
Ona gaurko gabeen
Lurrean gurekin.

EUSKARICHOA.

Guazen, ekus dezagun
Aur jayo berriya,
Guazen, egin zayogun
Ongi etorriya;
Guazen, eman zayogun
Jana ta erariya,
Oya, legorpea ta
Jantzi-erantziya.

JOSÉ VICENTE ECHEGARAY.